

傷寒論三注



傷寒論三註序

古之爲醫者多矣求其詳

切內經歷叅名案以療症

於無弊者大都薦紳先生

文人學士而後能之何者

蓋古之法有定而病之變

無窮以有定之方運無窮

之用自非好學深思心知



其意固難爲淺見寡聞者

道也禹載周子少勤學古

屢試不售吳之士大夫至

今猶稱述其能文不衰乃



年未強仕遂棄舉子業發

篋而志岐黃之書繹仲景

之論揣摩十餘年而後成

辛亥歲遊京華爲北海

林公所器重因嘆曰不謂

今日業醫尚有溯河源

星宿務欲展盡底裡不爲

時論捭奪如子者乎由是

王公大人輒延之不暇給

效日奏名益彰常診未病

者預決其死就木者能起

其生不一而足都人士咸

望丰采予始末之奇也乙

卯春予子婦病且劇周子

曰無恐乃圭頗奇詢知爲

仲景方也服之一七陽春



二豎却走因怪曰人何不

盡讀仲景書周子曰金匱

玉函不易讀也而傷寒論

尤不易讀王叔和率意編



北京中医药大学图书馆版

次成無已援據內經既如

食生不化惟方中行之証

悉理自精喻嘉言之文引

悟靡竟於是晦明風雨寤

歌千百而不置始能疑而  
後悟憤而後樂遂出所見  
以補兩註所未逮嗚呼既  
能精白於一心自可垂照

於千古予雖不知醫若將

以爲足信者予誠有以信

周子也周子數年來一言

一動之際不知者未常以



爲知不能者未嘗以爲能  
獨於傷寒論岸然自以爲  
能知能行不憚闡釋而暢  
曉之且與方喻兩君註相



上海中医药大学图书馆版印所

爲不朽此周子之自信子  
則又有以信周子也然則

方喻旣能發前人所未發

周子又能發方喻所未發

則此書出將一千載之疑  
城如雪竇于一旦由是行  
於海內傳於百世使漢以  
來所未讀者嗣今以往盡

能讀焉理明而道進學廣  
而傳多則世之天枉者寡

矣豈特陽春白雪之歌和  
者既多乃遂以爲愉快哉



嘗

康熙歲次癸亥且月年家

友人丁思孔頓首拜

撰

